

# Labib pou Zanfan prezant

## Nesans Zezi



Ekir par: Edward Hughes

Ilistre par: M. Maillot  
Alastair Paterson

Adapte par: E. Frischbutter; Sarah S.

Tradir par: [www.christian-translation.com](http://www.christian-translation.com)

Prodir par: Bible for Children  
[www.M1914.org](http://www.M1914.org)

©2021 Bible for Children, Inc.

Lisans: Ou ena drwa kopie swa inprim sa zistwar la, tan ki ou pa vann li.

Bien lontan, Bondie finn avoy anz Gabriel kot enn zen tifi Zwif apel Marie. Anz la dir li, "To pou gagn enn garson ek to pou apel Li Zezi. Dimounn pou apel Li Bondie So Garson. Li pou regne pou leternite."



"Kouma sa kapav arive?" tifi la finn demande akoz lin sirpri. "Zame mo finn et avek enn zom." Anz la finn dir Marie ki zanfan la pou vinn depi Bondie. Pa pou ena okenn zom kouma papa.




3

Anz la finn answit dir Marie ki so kouzinn Elizabet pou gagn enn ti-baba dan so bann vie zour. Sa osi ti enn mirak. Zis apre, Marie finn vizit Elizabet. Zot finn remersie Bondie ansam.



4

Marie ti fianse avek enn zom apel Zozef. Zozef ti tris kan li finn tande ki Marie ti pe atan enn ti-baba. Li tipanse ki enn lot zom ti papa sa ti-baba la.




5

Dan enn rev, Bondie So anz finn dir Zozef ki zanfan la Li mem Bondie So Garson. Zozef ti bizin ed Marie pou okip Zezi.



6

Zozef finn fer Bondie konfians ek finn obeir Li. Li ti pe osi obeir bann lalwa dan so pei. Akoz enn nouvo lalwa, Zozef ek Marie finn bizin retourn dan zot lavil natal, Betleem, pou pey tax.



7

Marie ti pre pou gagn so ti-baba. Me Zozef pa ti pe trouv okenn lasam. Tou bann lotel ti ranpli.



8

Zozef finn trouv enn letab. Laba mem ki Zezi finn ne. So mama finn plas Li dan enn manzwar, enn landrwa kot normalman met manze pou zanimo.



9

Zis akote, bann berze ti pe gard zot troupo. Bondie So anz finn paret ek finn dir zot ki li ena enn bon nouvel pou anons zot. "Zordi, dan



David so laval, enn Sover finn ne. Li mem Lesegner Krist. Zot

pou trouv Ti-baba la pe dormi dan manzwar."

10

Enn sel kou, boukou anz finn paret, pe sant bann louanz pou Bondie ek pe dire, "Glwar pou Bondie ki lor pli Ot Lesiel, ek lape lor bann



dimounn lor later ki Bondie kontan."

11

Bann berze finn galupe ziska kot letab. Kan zot finn trouv Ti-baba la zot finn dir tou dimounn ki zot finn zuen seki bann anz finn dir lor Zezi.



12

Karant zour plitar, Zozef ek Marie finn amenn Zezi kot tanp dan Zerizalem. Ti ena enn zom apel Simeon, ki ti pe fer louanz Bondie pou Ti-baba la pandan ki Ana, enn lot servant Bondie, finn remersie Li.



13

Toule-de ti koner ki Zezi ti Bondie So Garson, Sover ki Li ti promet. Zozef finn sakrifie de zwazo. Dapre Bondie So lalwa, se enn lofrand ki bann dimounn pov bizin amene kan zot pe prezant enn nouvo zanfan devan Bondie.



14

Inpe plitar, enn zetwal spesial finn gid bann Saz depi Les ziska Zerizalem.



"Kot Leroi bann Zwif ki finn fek ne la? Nou finn vini pou ador Li."

15

Lerwa Erod finn tan parle bann Saz la. Trakase, li dir zot fer li koner kan zot trouv Zezi. "Mwa osi mo anvi al ador Li," Erod finn dir. Me li ti pe koz manti. Li ti pe anvi touy Zezi.




16

Zetwal la finn gid bann Saz la ziska lakaz kot Marie ek Zozef ti pe reste avek Zezi. Zot finn met zot azenou, ek bann voyazer la finn donn Zezi bann kado ris kouma lor ek parfin.



17

Bondie finn averti bann Saz la pou retourn zot lakaz an sekre. Erod ti ankoler. Telman li ti pe anvi touy Zezi, sa move lerwa la finn fer touy tou ti-baba garson dan Betleem.



18

Me Erod pa finn kapav bles Bondie So Garson! Averti dan enn rev, Zozef finn amenn Marie ek Zezi Lezip pou sov zot.



19

Kan Erod finn mor, Zozef finn kit Lezip avek Marie ek Zezi.



Zot finn res dan lavil Nazaret, pre avek lamer Galile.

20

Nesans Zezi


Enn zistwar depi parol Bondie, Labib,

trouv dan

Matie 1-2, Lik 1-2

"Dekuvrir To bann Parol aport lalimier."  
Som 119:130

21



36

60

22

Sa zistwar Labib la dir nou lor nou merveye  
Bondie ki finn kree nou ek ki anvi zot kone Li.

Bondie kone nou finn fer bann move zafer, ek Li apel sa pese.  
Pinision pou pese se lamor, me Bondie kontan twa telman boukou  
ki Li finn anvoy So sel Garson, Zezi, pou mor lor enn Lakrwa ek  
finn et pini pou to bann pese. Lerla Zezi finn regagn lavi ek Li  
finn al So lakaz dan Paradi! Si to kroir dan Zezi ek to demann Li  
pardon pou to bann pese, Li pou fer li! Li pou vini ek Li pou viv  
dan twa aster, ek to pou viv ek Li pou touzour.

Si to kroir samem laverite, dir sa Bondie:

Ser Zezi, mo kroir ki Toem Bondie, ek To finn vinn enn zom pou  
mor pou mo bann pese, ek aster To pou viv ankor. Silteple vinn  
dan mo lavi ek pardonn mo bann pese, koumsa mo kapav gagn enn  
nouvo lavi aster, ek enn zour mo pou al avek Twa pou touzour. Ed  
mwa pou obeir Twa ek viv pou Twa kouma To zanfan. Amen.

Lir Labib ek koz avek Bondie toulezour! Zan 3:16

23